

*Sanctissimi D. N. D. Benedicti divinâ providentiâ
Papæ XIII. littera in formâ Brevis ad universos
Fratres Ordinis Prædicatorum Professores, adver-
sus calumnias Doctrinæ SS. Augustini & Thomæ
intentatas. Juxta exemplar impressum Romæ Ty-
pis Reverendæ Camera Apostolicæ.*

*Dilectis filiis universis Fratribus Ordinis Prædica-
torum Professoribus.*

BENEDICTUS PP. XIII.

Dilecti Filii, Salutem & Apostolicam Benedictionem.

DEmissas preces & æquissimas conquestiones vestras, quas dilectus filius Augustinus Pipia totius Ordinis Magister Generalis religioſæ vitæ exemplis, ac Doctrinâ, Prudentiâque commendatissimus supplici libello ad nos detulit. Eâ benignitate complexi sumus, quam, & vestra in Catholicam Religionem amplissima merita, & nostra, quam dudum professi sumus erga Ordinem Prædicatorum observantia filialis, nostræque demum humilitati impositum Paternæ charitatis & sollicitudinis officium postulabant. Quod igitur egrè admodum, ut par est, molestèque feratis, erroribus à fel. record. Clemente Papâ XI. Prædecessore nostro per Constitutionem, quæ incipit, Unigenitus Dei filius, saluberrimo, & sapientissimo judicio rejectis, damnatisque Augustiniana, & Angelica Doctrina nomen obtendi; indeque audere nonnullos Apostolicæ Auctoritatis, ac vestræ existimationi detrahere; quòd ipsæ vestrarum sententiarum capita ejus Constitutionis censuris, notisque iniusta esse calumnientur; justam quidem animorum vestrorum offensionem laudâ damus; quâ nimium vos germanos sancti Thomæ discipulos ma-